

**Protocol no. 73****Sezzüda da lündeschdi, 27 settember 2010, 20.00 – 23.10**

**Preschaints:** Jon Carl Rauch; Chasper Alexander Felix, Marianne Werro-Lehmann e Jachen Andri Schmidt; Rico Zini (protocol)

**S-chüsà:** Georg Salomon

**Protocol**

Il protocol no. 72 da la sezzüda dals 13 settember 2010 vain approvà.

**651 021 FABRICA**  
**Fabrica Rüedi / Leuppi – Sot Pradè**

Il schef da fabrica orientescha chi gnia montà i'l eivna 40 ils elemaints. Cun quai chi nu rivan da passar sur oura cun camiuns vain installà suotvart ün grü movibel. La via chantunala resta cun quai serrada per ün di. Il permiss chantunal es avantman e la posta es infuormada. Per quel di chi vain lavurà cul grü vain fat la dumonda per pudair lavurar da la bunura davent da las 5.00 tras fin a las 22.00 d'saira. Il Cussagl cumünal decida da gnir incunter a la dumonda. Il cumün inchascha üna taxa da trattamaint da fr. 50.--.

**652 021 FABRICA**  
**Tina Schiess – Rimplazzamaint porta – Sur En**

Il Cussagl cumünal conceda il permiss da fabrica (procedura d'annunzcha) pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica.
2. Taxa da trattamaint: fr. 50.--

**653 021 FABRICA**  
**Johannes Bürqi – Müdamaints interns – Plaz 151**

Il Cussagl cumünal conceda il permiss da fabrica pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica.
2. Taxa da trattamaint: fr. 100.--.

**654 021 FABRICA**  
**Jon Andri Pult – Inviamaint d'aua illa rait cumünala**

In connex culla fouras geotermicas conceda il Cussagl cumünal il permiss pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica.
2. La taxa chantunala importa: fr. 100.--
3. Taxa da trattamaint: fr. 50.--



**662 830.318.02 Pista dal sömni**  
**Finischiun da la pista dal sömni**

Il schef da fabrica orientescha cha tenor la retschercha fatta l'inviern passà resulta cha la finischiun da la pista in duos lös saja üna buna varianta chi cuntainta als skiunzs sco eir a las Pendicularas. Tenor infuormaziuns da las Pendicularas nu pon els per quist inviern metter a disposiziun ingün chanun da naiv. Els fan però, perquai chi cumpran ün nouv chanun, l'offerta da surdar ün chanun d'ocasiun dad els. Il predsch s'amunta sün fr. 6'000.-- (excl. IPV). La Pendicularas füssan eir pronts da til gestir e da far las revisiuns toccantas. Il Cussagl cumünal decida d'aquistar il chanun da naiv pel predsch surmanzunà.

**663 Orientaziuns**

**1. Exposiziun publica**

Il schef da fabrica orientescha chi saja expos public la cooperaziun per la planisaziun locala. L'object da revisiun es la promoziun da la fabrica d'abitaziuns principalas e la direcziun da la fabrica da seguonadas abitaziuns (ledscha per la promoziun d'abitaziuns principalas). La publicaziun düra fin als 25 october 2010.

L'actuar: